

Huc pertinet figura calicis,
postea Arbor Panfophiz.

Beschluß an den Gott- vnd Kunstliebenden Leser.

Sie nun günstiger Leser/ wessen du dich ins künfftig zuverhalten/ vnd was du von der Fraternitet zugeworten/ ich schreib dir wenig/ aber verstehestu das so verstehestu mehes vnd nützers/ dann wan du aller Philosophorum Schriften (keinen beyneben veracht) ad vnguem dir imaginirt hettest.

Was wunderbarlicher Iudicia zwar von diesem meinem Schreiben gehen werden/ weiß vnd verstehe ich zu vor/ sed parum curo.

„Ein jeder schreib was im gefelt: Mein Werk bleibt darum nicht eingestelt/ magst halten/ hoch magst halten nider/ was ich schreib einmal schreib ich wider.

Nicht ohn ist/ daß ich zum öfftern schon meiner einig geliebten Panfophi halben höchlich periclitirt/ vnd zimlicher massen geplagt worden/ wie viel ich aber darnach frage/ zeigen meine Schreiffte/ wer sich nit will weisen lassen/ mag bleibe werer ist/ ich bleib auch der ich bin; Vnd laß dir des Theophrasti edles Symbolum hochangelegen seyn da er spricht. Alterius non sit, qui suus esse potest. Freylich freylich laß dir ein Brüderlich Warnung seyn/ fangs nicht höher an als du dir es getrawest hinaus zubringen. Ich gedenc der Zeit/ daß ich mich für glückselig achtete/ so ich in grosser Authoritet vnd ansehen war/ sed reuoco! reuoco. Nein nein/ ich beger mir diß gradts nicht (sagt jener vnschuldiger Studiosus) kan mich noch ein zeitlang mit geringeren betragen. Ich bin von Jugend auff mit größern Panfophischen Gedancken schwanger gangen (wie dann meinen Weisgebern des wegen stätigs (wie man sagt) von dem Teuffel getraumbt) hab auch vermittelst Göttlicher Hilff/ ob wol nicht zu ende/ doch hochliebendem Weg gebracht/ vnd getrawe meinem Nechsten vnd mir hierdurch mit der Zeit zu dienen/ dz ich mich aber rühmen solt/ daß sey ferr von mir/ vnd kan ich mich nichts rühmen als meiner Schwachheit vnd erkantnuß Gottes: Einem guten Wein ist nit noch ein Zeichen anzuhengen oder ein Reiff außzustrecken/ er geht selbst wortw. / also ist nicht von nöthen/ de Panfophischen Verstade/ vñ Handgriff weitläuffig außzuschreyen. Verstehestu vnd bist darzu gewidmet/ darff sich nicht viel ermahnen: Wa nicht bin ich wol zufrieden/ dann ich hiervon keinen sonderlichen Gewin/ sonder was ich thu/ thu ich gemeines Nützens vnd Christlicher Lieb wegen. Gott der getrewe Vatter aller Weisheit verleyhe seyn Gnad vnd Heylgen Geyst durch seinen Sohn Jesum Christum den wahren vnd rechten Creutz Bruder/ die wol angefangene

Reformation glücklich zu continuiren. Amen!

Amen/ Amen.

TIBL. N. O. N. N. O. B. I. S.

Arbor